

Powšitkowe WOZJEWJENJA

njedźelu, 27. septembra 2026

Nabožne wusyłanja w serbskim rozhłosu

Ewangeliske nabožne wusyłanje w Serbskim rozhłosu MDR ma tutu njedźelu, 27. septembra, Budyski tachantski farar Wito Sćapan. Wotkaz na nabožne wusyłanje w mediatece MDR je pod www.posol.de podaty, zdobom chowa so za QR-codom.



Poswjećenje noweho „Radlubina“

W Ralbicach je nowa wosadnica „Radlubin“ po jednym lěće nimale dotwarjena. Termin poswjećenja je domchowanka, njedźelu, 27. septembra, po dopołdnišich kemšach, kotrež so we 8.30 hodź. započnu.

Nyšpor z požohnowanjom konjacych zapřahow

Sekcija wěda a skutk Towarstwa Cyrila a Metoda z.t. přeprašuje wšitkich wěriwych zaso na wosebity nyšpor domchowanki z požohnowanjom konjacych zapřahow. Tón budže njedźelu, 27. septembra, w 14.00 hodź. na łuce při Hatkach w Chróśćicach.

Serbske kemše w Drježdźanach

Drježdźanscy Serbja – wosebje tež młodži – su na maćernorěčnu Božu mšu njedźelu, 27. septembra, w 16.00 hodź. do cyrkwy swjateho Antonija na Bünauskej 10 přeprašeni. Bjesada při swačinje so přizamknje. Za to njech kóždy něšto sobu přinjese.

Oratorij w Liberecu

Planowane poslednje předstajenje oratorija „Wulkotna woda“ budže njedźelu, 27. septembra, w 17.00 hodź. w awli Liberecskeje uniwersity. Jón předstaja chór a rejowanska skupina 1. serbskeje kulturneje brigady, Serbska komorna filharmonija a dalši. Cyłkowny hudźbny nawod ma Judith Kubicec.

Běh wo pokal zbóžneho Alojsa

Lětuši běh wo pokal zbóžneho Alojsa budže sobotu, 3. oktobra, w Radworju. Za njón móža so zajimcy online přizjewić. Započatk je we 8.30 hodź. při sportnišću. Wobdźelić móža so běharjo wšěch starobnych skupin wot šěsć lět za čary rozdźělneje dołhosće. Link k přizjewjenju je pod www.posol.de podaty.

Modlenje w Róžeńće

Na modlenje różowca a před Najswjećišim su wěriwi sobotu, 3. oktobra, we 18.00 hodź. do Róžeńčanskeje hnadowneje cyrkwy přeprašeni. Paćerje budu w serbskej a němskej řeči spěwane.

Ministrantska kopańca

Koparski turněr ministrantow ze serbskich wosadow, kotrychž bu horcoty dla w lěću wotprajeny, narunaja sobotu, 17. oktobra, w Pěskecach. Započatk je w 9.00 hodź. z Božej mšu we wjesnej kapańce. Mustwa měli so w svojich wosadach přizjewić.

Znowaposwjećenje a zastup do bratstwa

W Radworju ma so różowcowu njedźelu, 4. oktobra, Křižna cyrkej znova poswjećić. Swjedźenski nyšpor z procesionom z postawu swjateje Marije zahaji so w 14.00 hodź. Po nim móža sej zajimcy cyrkej wobhladać a sej wot Pětra Kubańka ponowjenje rozložić dać. Wěriwi, kotřiž chcedža do Radworskeho Bratstwa swjateho różowca zastupić, měli so na tamnišej farje abo pola fararja Bena Jakubaša přizjewić, telefonowe čisło (03 59 35) 2 07 13.

Prěnjowoprawjenske džěci přeprošene

Wšitke džěci, kotrež so na přenje swjate woprawjenje přihotuja, su na zhromadny dzeń do Njebjelčic přeprošene. Tón budže srjedu, 18. nowembra, wot 9.00 do 15.00 hodź. Započatk je z Božej mšu w cyrkwi, na kotruž su tež starši wutrobnje přeprošeni. Zajimcy njech so hač do soboty, 24. oktobra, pod www.posol.de přizjewja. Swójski přinošk na wobdźělnika wučinja sydom eurow.



Sakski krajny młodźinski chór w Kulowje a Chróścicach

Sakski krajny młodźinski chór pod nawodom z Kulowa pochadźaceho Serba Lukaša Čórliha, budže po wjace hač sydom lětach znova z hosćom we Łužicy. Koncert w Kulowskej cyrkwi wuhotuje chór njedźelu, 17. oktobra, w 17.00 hodź. Zastup je darmotny, wo dary proša. Nazajtra njedźelu, 18. oktobra, w 9.00 hodź. wobrubu spěwne čěleso Božu mšu w Chróšćanskej cyrkwi.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdźělić, móža so na internetowej stronje www.posol.de hač do srjedy, 30. septembra, přizjewić. Tam su nadrobne informacije podate. Zdobom je kruh móžnych wobdźělnikow powjetšeny a doba přizjewjenja podlěšena.

Za kulisy Carity w Kamjencu pohladać

Hornjołužiski zwjazk Carity z.t. přeprošuje pod hesłom „Caritas zwjazuje generacije“ na džen wotewrjenych duri sobotu, 10. oktobra, wot 14.00 do 18.00 hodź. na Zapadnu dróhu 22 w Kamjencu. Hosćom poskića wotměnjawy popołdniši program. Zazběh budže w 15.00 hodź. z hudźbnym přinoškom Kamjenskeho Katolskeho džěčaceho domu swjateho Bjarnata. W 15.30 hodź. slěduje klankowa hra „Žabjacy kral“, předstajena wot Madame Rosa. Po tym informuja w fachowymaj přednoškomaj wopytowarjow: W 16.00 hodź. rozloža temu postajenje pacienta a w 16.30 hodź. priwatne zadožjenje. Nadrobne informacije su pod www.caritas-oberlausitz.de podate.

Kulinariski a hudźbny wječor

W klóštrje Marijinej hwězdze pokročuja po lětnej přestawce z rjadom „Přijomnosť & kultura“. Wobstatk zarjadowanjow w kofejowni swjateho Michała je nimo tematiskeho přednoška tež k tomu hodźaca so jědź. Tak wěnuja so sobotu, 17. oktobra, w 17.00 hodź. dožiwjenjam při plachtakowanju po Atlantiskim oceanje wot Karibiki ke kupowej skupinje Acorow. Referent budže dołholětny apotekar w Pančicach-Kukowje Stefan Finger, kotryž chce na wosebite wašnje wo tymle wužadanju rozprawjeć. W srjedźišću dalšeho zarjadowanja sobotu, 14. nowembra, tohorunja w 17.00 hodź., stejitej tradicija poslednjeje služby w podkópkach do patoržicy (Mettenschicht) w Rudnych horinach kaž tež bohobojnosť hórnikow. Wo tym budže Heino Neuber přednošować. Zastupne lisćiki za 30,00 eurow dóstanu zajimcy w klóšterskej kofejowni abo móža sej je telefonisce pod čislom (03 57 96) 9 94 43 kaž tež online rezerwować. Link je pod www.posol.de podaty.